

Ardez



Ün cordial bainvgnü ad Ardez

Ardez es ün dals plü vegls cumüns in Engiadina Bassa. Truppas austriacas cul cumandant Baldirun til ha desdrüt dal 1622. La populaziun ha reconstrui lur cumün in basa a la fundamainta e'ls mürs chi d'eiran amo avant man. Ne forzas natüralas ne incendis til han devastà daspö quella jada. Ardez vala perquai sco cumün exemplaric pella cultura d'abitar in territori rumantsch.


L'insaina dad Ardez es la ruina dal chastè cullas restanzas da la chapella San Luzi. Ella s'elevescha sün ün grip a l'ur dal cumün chi spordscha üna bella vista.

Il nom Ardez

Il nom Ardez vain manzunà la prüma jada sco „fiskalische Taberne bei Ardezis“ aint in ün urbari dal 9avel tschientiner. La derivanza dal nom es intscherta. Davo cha'l chastè da Steinsberg d'eira gnü fabricha ha dovrà il cumün eir il nom Steinsberg, quai per tuot ils documaints scrits in lingua tudais-cha. Dal 1880 ha ordinà la regenza grischuna cha'l cumün as stopcha decider per ün o per tschel nom. La radunanza cumünala ha tschernü il nom Ardez, e quai unanimamaing.



La vopna da l'anterior cumün d'Ardez



Descripziun: La vopna ha duos parts. La part sura muossa la mità d'ün capricorn, suotvart als vezza ün'uschèditta crusch cun pattas [Tatzenkreuz]. Quella tira adimmaint cha'l cumün d'Ardez faiva part plü bod a la Lia da la Chadè.

Motivaziun: La vopna es gnüda s-chaffida in basa ad ün sagè dal principi dal 19avel tschientiner cull'inscripziun SIGILLUM COMMUNITATIS ARDETIENSIS.

Culuors cumünalas: alb-nair

Cifras e fats sur dad Ardez

Parts da la fracziun

Ardez
Sur En
Bos-cha

Surfatschas

Surfatscha totala	6'144 ha
Terrain agricul	28.4%
God e frus-chaglia	21.1%
Terrain abità	0.78%
Surfatschas improductivas	49.7%

Otezzas sur mar

Cumün	1'467 m
Punct il plü ot (Piz Plavna Dadaint)	3'166 m
Punct il plü bass (En, sboccadüra dal Tasnan)	1'235 m

Populaziun

Abitants	382
Persunas cun dret da vuschar	312

Linguas

Rumantsch	61.9%
Tudais-ch	27.1%
Otras linguas	11.0%

Las pertschientualas as referischan a la lingua principala. Tuot ils Rumantschs san duos o plüssas linguas.

Confessiuns

Evangelic-refuormà	51.8%
Catolic-roman	19.9%
Otras religiuns o sainza confessiun	28.3%

Economia publica

Persunas ocupadas tenor sectuors

1. Agricultura e silvicultura	26.3%
2. Industria e mansteranza producenta	36.1%
3. Servezzans	37.6%
